



Inatsisartuni ilaasortaq Aqqaluaq B. Egede, Inuit Ataqatigiit

Kuannersuit pillugit § 37-mut tunngasutut Apeqqut nr. 207-2020-miittunut akissutit

17-12-2020
Sags nr. 2020 - 25929

Inatsisartut suleriaasianni § 37, imm. 1 malillugu Kuannersuarnut tunngasunik Naalakkersuisunut ataani allanneqartutut apeqqutit saqqummiussimavatit, taakkulu matumuuna akissuteqarfigineqarput. Apeqqutinik akissuteqarnissamut Aatsitassanik Suliassaqarfinnut Avatangiisinut Aqutsisoqarfimmit ilanngussassat pissarsiarineqarsimapput.

Postboks 930
3900 Nuuk
Tlf. (+299) 34 68 00
Fax (+299) 43 02
E-mail: asn@nanoq.gl
www.naalakkersuisut.gl

- 1. Kuannersuarni aatsitassarsiorfoqalissappat aatsitassat sinnikuinik taseq eqqaavissaq pillugu allannguisoqarpa?**
Akissut: Takuuk apeqqutinut ataatsimoortillugit akissut.
- 2. Kuannersuit eqqaani taseq aatsitassat sinnikuinik eqqaavissaq pillugu erngup utsersorsinnaanera pinaveersaartinniarlugu Naalakkersuisut iliuusissat suut qulakkeerniarlugit suliaqarpat?**
Akissut: Takuuk apeqqutinut ataatsimoortillugit akissut.
- 3. Kuannersuarni aatsitassarsiorfissap qinngorneqqortussusia tunngavigalugu aatsitassarsiorfimmi sulisartussat sivisunerpaamik ullut qassit sulisinnaatitaasassappat? (qimagukkallartarnissaat piunasaqaataassammat)**
Akissut: Takuuk apeqqutinut ataatsimoortillugit akissut.
- 4. Uran annertussusia katillugu minnerpaamik 56.000 tonsinik annertussuseqarnissaa suli naatsorsuutigineqarpa?**
Akissut: Takuuk apeqqutinut ataatsimoortillugit akissut.
- 5. Thorium-ip, Uran-ip aatsitassallu allat radioaktiv-imik qinngorneqartut ppm-imut naatsorsuisarneq tunngavigalugu tamarmik immikkut qanoq annertutigisumik akoqartutut nalunaarsorneqarpat?**
Akissut: Takuuk apeqqutinut ataatsimoortillugit akissut.
- 6. Narsap imeqarfia, Napasup kuua qinngornermik, flour-imik allanillu mingutsitsissutaasinnaasunik innarlerneqannginnissaa**

pillugu Naalackersuisut iliuusissanik qanoq ittunik paasissutissiisinnaappat?

Akissut: Takuuk apeqqutinut ataatsimoortillugit akissut.

7. Narsap illoqarfiata qanittuani, tassa, Narsap Iluani aatsitassarsiortoqalissappat innuttaasut Narsap iluani pisuttuarsinnaappat?

a. kuummit imersinnaassappat?

b. nunami paarnanik nuniassinnaappat?

c. allatullu avatangiisiminnik atuiinnarnissaat Naalackersuisut uppernarsarsinnaavaat?

Akissut: Takuuk apeqqutinut ataatsimoortillugit akissut

Apeqqutinut ataatsimoortillugit akissut:

Suliuniummut pilersaarutaasumut inuiaqatigiinnut aamma avatangiisinut tunngasutut sunniutaasut nalilersorneri Aatsitassat pillugit ingerlatallu tamatumunnga pingaarutillit pillugit inatsisartut inatsisaat nr. 7, 7. december 2009-imeersumi (aatsitassanut ikummatissanullu inatsimmi) kapitali 15 najoqqutaralugu pissapput.

VVM-imut nassuiaammut imaluunniit VSB-mut nassuiaammut Naalackersuisut suli isummersimangillat, soorlulusooq nassuiaatit tamarmik tamanut ammasumik suli tusarniaassutaasimanatik.

VVM-imut nassuiaammut allaqqaagaq pigineqartoq tamanut ammasumik tusarniaanissamut piunasaqaatinik naapertuutsitsisoq Aatsitassanik Suliassaqarfinnut Avatangiisinut Aqutsisoqarfiup pituttugaanngitsut ilisimatusarnikkut siunnersuisartutik peqatigalugit nalilersimavaat, Aatsitassanut ikummatissanullu Inatsimmi aalajangersakkat takukkit. Taamatuttaaq VSB-mut nassuiaammut allaqqaagaq pigineqartoq tamanut ammasumik tusarniaanissamut piunasaqaatinik naapertuutsitsisoq Aatsitassanut Naalackersuisoqarfiup nalilersimavaa. Naalackersuisuni aalajangiisoqareerpat sapinngisamik piaarnerpaamik VVM-imut aamma VSB-mut nassuiaatit tamanut ammasumik tusarniaassutigineqassapput, Aatsitassanut ikummatissanullu Inatsimmi aalajangersakkat takukkit. Tamatumunnga atatillugu VVM-imut aamma VSB-mut nassuiaatit tamanut saqqummiunneqassapput. Tamanut ammasumik tusarniaanermut atatillugu apeqqutit erseqqissaavigineqarsimangitsut akineqarumaarput, tassungalu atatillugu VVM-imut nassuiaatip avatangiisinut tunngasutut kingunerisassat tamakku tamaasa akissuteqarfigissavai, aammalu sapinngisamik annikinnerpaamik avatangiisinik sunniutaasussat qularnaassallugit.

VVM-imut nassuiaammi avatangiisinut tunngasutut kingunerisassat, aamma sakkukillisaatitut suliarisassanut iluarsinissamut iluserisinnaasat sukumiisumik nassuiarneqarput. Avatangiisinut tunngasutut apeqqutigisat assorsuarlu pingaaruteqartuusut tamarmik annertunerusumik imaluunniit annikinnerusumik VVM-imut nassuiaammut allaqqaakkami maannakkut pigineqartumi sammineqarput, ajornanngippallu ilanngussarisassat erseqqinnerusutullu nassuiaatit tamanut ammasutut tusarniaanermut, tamatumalu kingornatigut ingerlatassamut atatillugu pissarsiarineqarsinnaassapput.

VVM-imut nassuiaammut naammassineqartumut piumasaqaatit ilaatigut tassaapput taassuma suliniutip aqqusaagaqarfiini tamani avatangiisinut tunngasutut kingunerisinnaasanik suussusersinissaa, siulittuuteqarnissaa, nassuiaanissaa, nalilersuinissaa aamma paasisitsissuteqarnissaa. Ujaasinerup, sanaartornerup aamma ingerlatsinerup nalai, kiisalu aatsitassarsiorfimmik matusinermi aamma matusinerup kingornani pisut ilaassapput. Suliuniummit sunniiffigineqarsinnaasumut sumiiffimmut tamarmiusumut VVM-imut nassuiaatip eqqartuinissaa aamma piumasaqaataavoq. Suliniut aatsitassarsiorfittut sumiiffiup avataaniittunik sumiiffinnik ilaqassappat, soorlu avatangiisimut pinngortitamik, aqqusinernik, kuunnik, umiarsualivinnik, ruujorinik, mittarfinnik umiarsuillu aqqutaannik, taakkununnga sunniutaasut aamma ilanngunneqassapput. Pinngortitamut, uumasunut naasunullu, kiisalu inuit peqqissusaannut naleqqiullugit avatangiisinut navianaatilinni atortussiassanit eqqugaanermut tunngatillugu VVM-imut nassuiaat ilanngussassanik tamanik imaqassaaq, kiisalu suliniummi ajoqusiinnaasutut kingunerisinnaasanik ikiorsiinnaasunik sakkukillisaatitut suliarisassat VVM-imut nassuiaatip siunnersuutigissavai.

Kuannersuarni aatsitassarsiornermik ingerlataqarnissamut akuersissut taamaallaat nalunaarutigineqarsinnaavoq avatangiisinut sunniutaasussanik nalilersuineq (VVM), aamma inuiaqatigiinni piujuartitsineq pillugu nalilersuineq (VSB) suliarineqareerpata, aammalu taakkununnga nassuiaatit (VVM-imut VSB-mullu nassuiaatit) Naalackersuisunit akuersissutaareerpata. Tamakku saniatigut qaqugukkulluunniit, assersuutigalugit ingerlattakkat, sumiiffik, imaluunniit suliarisat allanngortinneqassappata, VVM-imut aamma VSB-mut nassuiaatit malinnaateqqunissaat piumasaqaataasinnaavoq.

Inussiarnersumik inuulluaqqusillunga

Med venlig hilsen



Jens-Frederik Nielsen



3. december 2020

Matumuuna Inatsisartut suleriaasianni §37 naapertorlugu apeqqutit Naalackersuisunut ingerlatippakka:

1. Kuannersuarni aatsitassarsiortoqalissappat aatsitassat sinnikuinik taseq eqqaavissaq pillugu allannguisoqarpa?
2. Kuannersuit eqqaani taseq aatsitassat sinnikuinik eqqaavissaq pillugu erngup utersorsinnaanera pinaveersaartinniarlugu Naalackersuisut iliuusissat suut qulakkeerniarlugit suliaqarpat?
3. Kuannersuarni aatsitassarsiorfissap qinngorneqqortussusia tunngavigalugu aatsitassarsiorfimmi sulisartussat sivisunerpaamik ullut qassit sulisinnaatitaasassappat? (qimagukkallartarnissaat piunasaqaataassammat)
4. Uran annertussusia katillugu minnerpaamik 56.000 tonsinik annertussuseqarnissaa sulii naatsorsuutigineqarpa?
5. Thorium-ip, Uran-ip aatsitassallu allat radioaktiv-imik qinngorneqartut ppm-imut naatsorsuisarneq tunngavigalugu tamarmik immikkut qanoq annertutigisumik akoqartutut nalunaarsorneqarpat?
6. Narsap imeqarfia, Napasup kuua qinngornermik, flour-imik allanillu mingutsitsissutaasinnaasunik innarlerneqannginnissaa pillugu Naalackersuisut iliuusissanik qanoq ittunik paasissutissiinnaappat?
7. Narsap illoqarfiata qanittuani, tassa, Narsap iluani aatsitassarsiortoqalissappat innuttaasut Narsap iluani pisuttuarsinnaappat?
 - a. kuummit imersinnaassappat?
 - b. nunami paarnanik nuniassinnaappat?
 - c. allatullu avatangiisiminnik atuiinnarnissaat Naalackersuisut uppersarsinnaavaat?

(Inatsisartunut ilaasortaq Aqqaluaq B. Egede, Inuit Ataqatigiit)

Tunngavilersuut:

Aatsitassarsiorfissatut pilersaarut Naalackersuisuniit kiisami erseqqilluinnartumik akineqarnissaa kissaatiginarsivoq. Ilaatigut Naalackersuisut eqqortumik paasissutissiisussaataitanerat naapertorlugu apeqqutit paasissutissanik tusatsiagaqarfigisavut pillugit erseqqissumik akineqarnissara kissaatigaara. Naalackersuisut eqqortumik akissuteqartussaataapput. Nalunaarusiat aamma paasissutissat Naalackersuisuniit ilisimaneqareersut tunngavigalugit apeqqutit ukua ingerlatippakka. Taamaammat kissaatigaara apeqqutit ullut qulit qaangiutsinnagit akineqassasut.